

UDALERRI EUSKALDUNEN MANKOMUNITATERAKO ALDI BATERAKO HIZKUNTZA NORMALKUNTZARAKO TEKNIKARI BEHARREI ERANTZUTEN LANTZAKO ERATZETAKO OINARRIAK

1.- DEIALDIAREN XEDEA

Deialdi honen helburua da lan poltsa bat sortzea Udalerrri Euskaldunen Mankomunitatean Hizkuntza Normalkuntzarako sortzen diren behin-behineko langile-premiei aldi batez erantzuteko. Hautapena lehiaketa-oposizio bidez egingo da.

Poltsa honen bidez, bitarteko langileekin beteko dira UEMAn sor daitezkeen hizkuntza normalkuntzarako teknikarien lanpostuak, ordezkapenak egingo dira eta behin behineko presazko premiei erantzungo zaio.

2.- BALDINTZAK

Deialdian onartua izateko eta, gero, egoki bada, lehiaketa-oposizioan parte hartzeko, baldintza hauek bete beharko dira:

- a) Hamasei urte beteta izatea, eta nahitaez erretiroa hartu beharreko adinera ez iristea.
- b) Erdi mailako titulua izatea. Euskal Funtzio Publikoari buruzko Legearen 15. Xedapen Gehigarrian ezarritakoaren arabera, lizentziaturako hiru ikasturte gaindituta izatea unibertsitate-diplomadun tituluaren baliokide da.
- c) Europar Batasuneko kide diren estatuetakoko baten herritartasuna izatea, edo, Europar Batasunak egindako eta Espainiako Estatuak berretsitako Nazioarteko Itunei jarraiki, langileen zirkulazio askea aplikatzen zaion estaturen bateko herritarra izatea.

Parte hartu ahal izango dute, era berean, Europar Batasuneko kide diren estatuetakoko herritarren ezkontideak, beti ere zuzenbideko banaketarik gabekoak badira; halaber, bere ondorengoak eta bere ezkontidearenak, baldin eta zuzenbideko banaketarik gabekoak badira, eta ondorengo horiek hogeita bat (21) urte baino gutxiagokoak badira, edo adin horretatik gorakoak, baina bere pentzuan bizi direnak.
- d) Diziplinazko espedientearen bidez inongo Administrazio Publikoren Zerbitzutik baztertuta ez izatea, eta funtzio publikoak betetzeko ezgaiturik ez egotea.
- e) Lanpostuen eginkizunak normaltasunez betetzea galaraziko dion gaixotasunik nahiz muga fisiko edo psikikorik ez izatea.
- f) Bateriaezintasunik edo ezgaitasun legalik ez izatea, Herri Administrazioaren Zerbitzuan dagoen pertsonalaren bateraezintasuna arautzen duen abenduaren 26ko 53/1984 Legean xedatutakoaren arabera. Dena den, kargu publiko edo jarduera pribatu bateraezina burutzen ari direnek aukeratzeko eskubidea erabili ahal izango dute, aipatutako legearekin bat etorriz.

Oinarri honetan zerrendatutako baldintzak, eskabideak aurkezteko epea bukatzen den egunean bete beharko dira eta kontratua sinatu bitartean mantendu.

- g) 4. hizkuntza eskakizuna egiaztatua izatea. Baldintza hau lehiaketa-oposizioan zehar egiaztatzeko aukera izango da, alegia,

HAEE-IVAPek deialdian aurkezteko aukera eskainiko zaie ordura arteko lehiaketa-oposizioko faseak gainditu dituzten izangaiei.

3.- ESKAERAK

Eskaerak UEMaren Aulestiko egoitzan aurkeztu beharko dira, Donibane enparantza 1,1.a. 48380. Aulesti (Bizkaia). Eskakerak zuzenean bertara eramanda edo posta arruntez bidalita aurkeztu ahal izango dira.

Gainera, 1992ko azaroaren 26ko 30/1992 Legeak, Herri Administrazio Prozedura Erkidearenak 38.4c) artikuluan -eta gero egindako aldatetetan- aurreikusitako bestelako edozein eratan ere aurkeztu ahal izango dira eskaerak.

Oinarri hauen eranskinean dagoen eskaera-orriarekin batera, honako agiriak aurkeztu beharra egongo da:

- a) Nortasun Agiriaren fotokopia
- b) Deialdiaren oinarri-arau berezietan eskatzen den titulazioen kopia eta merituak kreditatzeko beharrezkoak diren ziurtagiriak.

Oinarri hauek argitaratzen diren egunetik hasita 9 eguneko epea egongo da eskaerak aurkezteko (azken eguna: azaroaren 2ko, eguerdiko 12:00ak).

4.- EPAIMAHAIA

Epaimahai kalifikatzailea honela osotuta egongo da:

Mahaiburua:

- Patri Arburua, Bortzirietako mankomunitateko Udaleko teknikaria.

Mahaikoak:

- Jabier Zabaleta, Orioko Udaleko teknikaria.
- Nora Palmitano, Zestoako Udaleko euskara teknikaria
- Aitziber Arnaiz, Oiartzungo Udaleko teknikaria.
- Idoia Olano, Anoeta eta Irurako euskara teknikaria.

Idazkaria:

- Olatz Eizagirre, UEMako idazkaria.

Epaimahaiak adituak deitzeko aukera izango du.

5.- AUKERATZE PROZESUA

Izangaiak hautatzeko prozedurak hurrengo aldiak izango ditu:

- a) Oposizioaldia.
- b) Lehiaketaldia.

Ariketa bakoitzerako deialdi bakarra egingo da.

Epaimahaiak ariketak egiteko deialdian jarritako egunean, lekuan eta orduan agertzen ez diren izangaiak (baita ezinbesteko arrazoiengatik bada ere), hauta-prozesutik kanpo geratuko dira erabat.

LEHIAKETA ALDIA

Eskaerak aurkezteko epe barruan hautagaiek alegatu eta behar den moduan egiaztatu dituzten merituak aztertu eta baloratuko dira, honako baremo honen arabera:

Esperientzia (gehienez 5 puntu):

- Deitutako lanpostuarekin zerikusi zuzena duten lanetan, herri administrazioan egindako lanak, 0,2 puntu lortuko ditu hilabeteko: 5 puntu gehienez.
- Elkarte edo erakunde pribatuan, antzeko lanpostua betez egin duen lana: 0,08 puntu hileko, 2 puntu gehienez.

Prestakuntza osagarria (gehienez 5 puntu):

- Hizkuntza Plangintza Gradu-ondoko ikastaroa: 1,5 puntu.
- Lurraldea eta hizkuntza gradu-ondokoa: 1,5 puntu.
- Deitutako lanpostuan garatu beharreko eginkizunekin zuzenean zerikusia duten ikastaroak:
 - 15 eta 50 ordu bitartekoak: 0,5 puntu, 2 puntu gehienez.
 - 50 ordu baino gehiagokoak, 1 puntu. 4 puntu gehienez.Emandako ordurik azaltzen ez bada, ez da hartuko kontuan ikastaroa.

OPOSAKETA ALDIA

Lehenengo ariketa (nahitaezkoa eta baztertzaileria): Idatzizkoa.

Eranskinetako gai zerrendatik, epaimahaiak aukeratuko duen/dituen gaiari/gaiei buruzko proba praktikoa bat edo gehiago egin beharko da/dira.

Gehienez 50 puntu balioko ditu, eta gutxienez 25 puntu lortu beharko dira gainditzeko.

Bigarren ariketa (nahitaezkoa eta baztertzaileria):

a) Talde lana: kasu praktikoa. *Ariketa honetan, taldekako lana egin beharko dute, eta horien bidez, baloratu egingo da ea izangaiak egokiak diren lanpostuak bere dituen eginkizunak betetzeko (taldean lan egiteko prestutasuna, inprobisatzeko ahalmena, ideiak eman eta antolatze gaitasuna...).*

Gehienez 20 puntu balioko ditu, eta gutxienez 10 puntu lortu beharko dira gainditzeko. Puntuazioa pertsonako emango da, ez taldeko.

b) Elkarrizketa pertsonala.

Gehienez 20 puntu balioko ditu, eta gutxienez 10 puntu lortu beharko dira gainditzeko.

Hirugarren ariketa (derrigorrezkoa eta baztertzaileria): euskara proba. Izangaien euskara maila neurtzeko ahozko eta idatzizko proba egingo da. Derrigorrezko 4. hizkuntza eskakizunari dagokion euskara maila dutela

egiaztatu beharko dute. Ez da punturik emango eta izangaiak gai edo ezgai sailkatuko dira. Proba hau gainditzen ez dutenak hautaketa bidetik baztertuta geldituko dira.

Proba hau HAEE-IVAPek abenduan Gipuzkoan duen deialdi bateratuan egingo da.

Ez dute proba hau egin beharrik izango ziurtatzen dutenek 4. hizkuntza eskakizunarekin parekatutako agiriren baten jabe direla, beti ere, euskararen ezagutza egiaztatzen duten titulu eta ziurtagirien arteko baliokidetzak finkatu eta Hizkuntzen Europako Erreferentzi Marko Bateratura egokitzeko apirilaren 8ko 64/2008 Dekretuak jasotakoaren arabera. Egiaztapen hau proba hasi baino lehen aurkeztu beharko da.

6.- ONARTUEN ZERRENDA ETA KONTRATATZEKO PROZEDURA

Eskaerak aurkezteko epea amaitutakoan, UEMako zerbitzu administratiboak ebazpena emango du onartutako eta baztertutako izangaien behin behineko zerrendarekin. Baztertuen zerrendan daudenek 5 eguneko epea izango dute, zerrenda UEMaren webgunean argitaratzen den egunetik kontatuta, baztertuta geratzeko arrazoia izan diren akatsak edo hutsak konpontzeko edo zerrenden kontrako erreklamazioak planteatzeko.

Erreklamaziorik aurkezten ez bada, behin-behineko zerrenda horiek automatikoki bilakatuko dira behin betiko. Erreklamaziorik baldin badago, beste ebazpen bat emango da erreklamazio horiek baieztatzeko edo ezeztatzeko. Ebazpen hori ere aurrekoaren modu berean argitaratuko da.

Proba baztertzailak gainditu dituzten izangaien azken kalifikazioa oposizio-aldiko eta lehiaketa-aldiko puntuak batuta aterako da eta kalifikazio horrek behin betiko puntuazio hurrenkera erabakiko du.

Epaimahaiak, merezimenduak baloratu eta ariketak kalifikatu ondoren, lan poltsarako izangaien hurrenkera zehaztuko duen zerrenda argitaratuko du. Era berean, izangai bakoitzaren behin betiko puntuazioa argitaratuko du.

Izangaiek behin betiko emaitzak argitaratu ondoren, 5 eguneko epea izango dute epaimahaiaren aurrean erreklamazioak egiteko. Epe hori bukatu eta gero, epaimahaiak puntu gehien lortu duen izangaiaren behin betiko kontratazio-proposamena egingo dio, beharrezkoa bada, Zuzendaritza batzordeari eta gainditu duten gainerako izangaiek puntuazioaren arabera lan-poltsa bat osatuko dute.

Izangaietako inork ariketa baztertzailak gaindituko ez balitu, epaimahaiak plaza hutsik lagako du.

7.- PROZESUAREN ARGITALPENAK

Prozesu honetan argitaratu beharrekoak (oposizioaldiko emaitzak, lehiaketaldiaren emaitzak...) Udalerri Euskaldunen Mankomunitatearen webgunean argitaratuko dira (www.uema.eus).

Datu Pertsonalen Babeserako araudiari jarraituz, edozein izangai edo parte hartzailek izango du bere datuak eskuratu, zuzendu edo ezabatzeko eskubidea. Horretarako, eskaera aurkeztu beharko du helbide honetara

bidalitako idatziaren bitartez: UEMA. Donibane enparantza 1,1.a. 48380. Aulesti (Bizkaia).

8.- GORABEHERAK

Epai-mahaiari ahalmena emango zaio sortzen diren zalantzak ebazteko eta hautapen-prozesua ondo bideratzeko eta burutzeko behar diren erabakiak hartzeko. Oinarri hauetan aurreikusi gabeko gaietan, arau hauetan ezarritakoari lotuko zaio hautapen-prozesua: 7/2007 Legea, apirilaren 12koa, Enplegatu Publikoaren Oinarrizko Estatutuarena; 6/19898 Legea, uztailaren 6koa, Euskal Funtzio Publikoari buruzkoa; Administrazio Publikoaren zerbitzupeko pertsonalaren sarrera arautzen duen Erregelamendu Orokorra, 364/1995 Dekretuak, martxoaren 10ekoak, onartua; eta 86/1997 Dekretua, apirilaren 15eko, Euskal Autonomia Erkidegoko herri-administrazioetan euskararen erabilera normalizatzeko prozesua arautzen duena.

9.- INPUGNAZIOA

Deialdi hau, bertan ezarritako Oinarriak eta horietatik eta ebaluazio-batzordearen jarduketatik eratorritako egintza administratibo guztiak inpugnatu ahal izango dira 1992ko azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearenak ezarritako moduan eta kasuetan.

10.- DATUEN TRATAMENDUA

Hautapen-prozesuan parte hartzeak esan nahi du onartzen dela eskaeran jasotako datu pertsonalak tratatzea hautapen-prozesua aurrera eramateko behar diren irzapide guztietarako. Hala ere, onartutakoen eta baztertutakoen zerrendak argitaratzeari dagokionez, eta parte-hartzaileek prozesuaren fase bakoitzean lortutako emaitzak argitaratzeari dagokionez, NAN zenbakiaren bidez adieraziko da identitatea.

Datuak kontsultatzeko, zuzentzeko, ezerezteko eta aurka egiteko eskubidea egikaritzako idazki ba bidaliko da UEMAko Aulestiko bulegora (Donibane enparantza, 1-2. a. 48380 Aulesti).

Edonola ere, eskaera sinatzeak esan nahi du eskatzaileak badakiela eta onartzen duela bere datu pertsonalak aipatutako xederako tratatuko direla.

11.- LAN POLTSAREN FUNTZIONAMENDUA

Behin betiko lan-poltsaren funtzionamendua honakoa izango da:

- Izangaiek zein bulegotan lan egin nahi duten zehaztu beharko dute (Aulesti, Azpeitia edo/eta Oiartzun aukeratu ahal izango dute). Deitzeke hurrenkera lan poltsakoa izango da, baina aukeratu ez den bulegoren baterako deituz gero, eta ezezkoa eman ez gero, hurrenkera mantenduko da.
- Izangai batek aukeratzen duen bulegoan/bulegoetan lan egiteko aukerari justifikatu gabe ezetz esanez gero, lan poltsaren azken postura pasako da.

- Izangaiak lanean dagoela frogatuz gero, lan poltsan mantentzeko aukera izango du zerrendan duen hurrenkeran, baldin eta deitzen zaionetik gehenez ere 3 eguneko epean lanean dagoela justifikatzen badu. Justifikatzen ez badu, lan poltsako azken postura pasako da.
- Izangaiak aurkitu ahal izateko, telefono zenbaki bat eta e-posta helbide bat eman beharko ditu. Datu hori prozesuan parte hartzeko instantziatik hartuko da, baina izangaiak datuak eguneratu edota aldatu ditzake idatziz UEMAr jakinarazita.
- Kontratu bat eskaintzeko gehenez bi saiakera egingo dira gutxienez lau orduko tartearekin.

Dei bakoitzaren oharra jasoko da, gorabeherak, eguna eta ordua aipatuta.

Izangai batekin harremanetan jartzerik lortu ez bada, zerrendan hurrena dagoenari deituko zaio eskaintzen den lanpostua bete arte.

- Izangai batekin harremanetan jartzea lortu ez bada, zerrendan zuen postuari eutsiko dio.
- Izangaiak lan-poltsan duten hurrenkera UEMAK ez du errespetatu beharrik izango ordea, lan-poltsan dagoen izangai batek UEMAKo langile bat ordezkatzeko kontratua izan badu, eta kontratu hori bukatu eta hurrengo bi hilabeteko epearen barruan, langile bera ordezkatzeko premia berriro sortu eta UEMAK ordezkatzera erabakiz gero. Kasu horretan kontratua aurretik ordezkaketa egin duen izangaiari eskaini ahalko dio UEMAK, beti ere deitzen zaion momentuan baldintza hauek betetzen baditu:
 - a) Indarrean dagoen lan-poltsan egotea.
 - b) Aurreko kontratuaren arrazoia ez izatea hari uko egin izana.

Deialdi honen bidez ateratzen den behin betiko lan poltsak 5 urteko balioa izango du, baldin eta UEMAK beste lan poltsa baterako deialdirik egiten ez badu. Kasu horretan, lan poltsa indarrrik gabe geratuko da deialdi berriaren arabera sortutako lan poltsa berria onartutakoan. Unean uneko Zuzendaritza batzordeak lan poltsaren indarraldia luzatu ahalko du beste bi urtez.

12.- PROZESUAREN EGUTEGIA

Prozesu honi dagokion behin-behineko egutegia hauxe izango da eta azken uneko aldaketarik baldin balego www.uema.eus webgunean argitaratuko da.

Zer?	Data	Non?
Izena eman	2017/10/25etik 2017/10/31ra	Postaz bidali edo zuzenean eraman ondoko helbidera: UEMAREN bulegoa Donibane enparantza 1,1.a 48380 Aulesti Bizkaia
Baztertu eta onartuen zerrenda	2017/11/03	Informazioa www.uema.eus webgunean
Erreklamazioetarako epea	2017/11/08	Postaz bidali ondoko helbidera: UEMAREN bulegoa

		Donibane enparantza 1,1.a 48380 Aulesti Bizkaia
Behin betiko zerrenda	2017/11/09	Informazioa www.uma.eus webgunean
Lehenengo ariketaren data	2017/11/15 (aurreikusitako data)	Informazioa www.uma.eus webgunean
Bigarren ariketaren data	2017/11/23 (aurreikusitako data)	Informazioa www.uma.eus webgunean
4.HE Donostiako deialdi bateratuan	Zehazteko	HAEE-IVAPek egiten duen Arabako deialdi bateratuan. Informazioa www.uma.eus webgunean
Behin-betiko emaitzak	Zehazteko	Informazioa www.uma.eus webgunean

I. ERANSKINA - GAIAK

1. 10/1982 Oinarrizko Legea, euskararen erabilera arauzkotzekoa (oinarrizko ezagutza)
2. 18/1986 Foru Legea, abenduaren 15ekoa, Euskarari buruzkoa (oinarrizko ezagutza)
3. Hizkuntza eskakizunak (oinarrizko ezagutza)
4. Europako Hizkuntza Gutxituen Karta.
5. Heritarraren hizkuntza eskubideak, administrazioaren betebeharrak eta eskubideen defentsarako erakundeak
6. Udalerrietan euskara normalizatzeko planak.
7. Udalerri Euskaldunen Mankomunitatea: hastapena; izaera; helburu orokorrak; irizpideak; UEMA osatzen duten udalerrietako ezaugarri eta errealitate soziolinguistikoak, sozioekonomikoak eta hizkuntza irizpideak...
8. Udalerri euskaldunek euskararen berreskurapenean duten garrantzia eta jokatu behar duten papera.
9. Hizkuntza ekologia.
10. Lurralde antolaketa eta hizkuntza.
11. Eragin linguistikoa ebaluatzeko tresna: ELE (kontzeptu orokorrak)
12. Oinarrizko ofimatika ezagutza
13. Diagnostikorako tresnak: AMIA matrizea
14. Herrigintza eta euskalgintza

II. ERANSKINA. ESKABIDE ORRIA

UEMAko euskara teknikarirako lan-poltsa

Eskatzailea:

Izen abizenak:	
Helbidea:	Herria:
NA zenbakia:	Telefonoa:
E-posta:	

Ezinbesteko prestakuntza:

4. hizkuntza eskakizuna
Erdi mailako titulazioa

Prestakuntza osagarria:

Hizkuntza plangintzan gradu-ondokoa

Erakunde publikoetan lan esperientzia:

Erakundea	Lanpostua	Noiz hasi	Noiz amaitu

Enpresa pribatuetan lan esperientzia:

Enpresa	Lanpostua	Noiz hasi	Noiz amaitu

Bestelako ikastaroak:

Ikastaroaren izena	Ordu kopurua

Lan-poltsan sartuz gero honako bulego honetatik lan egiteko prest nagoela (bat baino gehiago aukeratu daitezke):

- Aulesti
- Oiartzun
- Azpeitia

ESKAERA HONEKIN BATERA DOAZEN AGIRIAK

- NA edo pasaportearen fotokopia
- Deialdian parte hartzeko eskatutako titulazioen fotokopia
- Hizkuntza eskakizunaren edo baliokidea den tituluaren fotokopia
- Merezimendu puntuagarriak justifikatzeko egiaztagirien fotokopiak

Behean sinatzen duenak eskaera honi dagokion deialdi publikoan onartua izatea ESKATZEN DU, eta bertan azaltzen diren datuak egiazkoak direla eta oinarrietan eskatutako baldintzak betetzen dituela BAIEZTATZEN DU, eskatutakoan agiri original bidez zurituko dituela hitz emanez.

Halaber adierazten du honako honen jakinean dagoela:

- Eskabide-orri honetako datu pertsonalak UEMAk behar bezala baimendutako fitxategietan sartuko dituela. Datu horiek bakarrik administrazio honen kudeaketarako erabiliko dira, baina beste administrazio publikoei edo hirugarrenei laga edo jakinarazi ahal izango zaizkiela abenduaren 13ko 15/1999 Lege Organikoan, Datu Pertsonalen Babesari buruzkoan, aurreikusitako kasuetan.
- Datuak eskuratzeko, ezeztatzeko, zuzentzeko eta aurka egiteko eskubidea erabili ahal izango duela ondorengo helbidera zuzenduta: administrazioa@uema.eus

Aulestin, 2017koren....an

Sinadura